

Datorren urterako bidean izango da Euskal Herriko atlasaren argitalpena / 8



Perez Prados NUPeko errektore berri aukeratu du klaustroak / 10



'Laosko paperen' faltsifikazioan ez zuela parte hartu dio Paesak / 13

EUSKALDUNON

Egunkaria

Larunbata, 1995eko uztailaren 29a / VI. urtea / 1.437. zenbakia / Salneurria: 110 pta. / 6 libera

MUSIKA

Zumaiako Musikaldiak orkestra propioa

Abuztuaren lehen hasiko den Zumaiako XI. Musika Jaialdian orkestra eratuko dute ikastaroetan parte hartuko duten ikasle eta irakasleekin. / 20

Aldaiaren aldeko ekitaldi instituzionala Donostian

ETAk bahitutako Jose Maria Aldaia enpresariaren askatasunaren aldeko ekitaldi instituzionala egin zuten atzo Donostiako Diputazioan. Han Hego Euskal Herriko 400-500 agintari eta hautetsik sinatutako agiria aurkeztu zuten. Kanpoan, HBko hautetsiak bildu ziren «ekintza-aren faltsukeria» salatze-ko. / 5

UEUko ikastaroak bost milioi pezetako zorrekin amaitu dira

Udako Euskal Unibertsitateko Iruñeko ikastaroak atzo amaitu ziren. Kepa Altonaga zuzendaria-riaren iritziz, «progresio prozesua sendotzen ari bada ere», egoera ekonomikoa kaskarra da. Eman-dako datuen arabera, bost milioi pezetatik gorako zorrarekin amaitu dira Larraona ikastetxean eman-dako ikastaroak. / 11


Donostiako Teknologi Parkeko lehen harria jarri dute

Hego Euskal Herriko bigarren teknologi parkea eraikiko dute Donostian. Jose Antonio Ardanza EAEko lehendakariak lehen harria jarri zuen eta bertako arduradunek adierazi zuten, 86.000 metro karratuko azalera izango duen Miramongo parke honetan 2.000-3.000 lanpostu sortuko direla aurrakusi dute. / 12

GALen kasua bere gain hartzeko eskatu dio Garzonek Gorenari

Gonzalez, Serra, Barrionuevo eta Benegas inplikatuaren artean omen dira

GALen sumarioa bere esku hartzeko eskatu zion atzo Baltasar Garzon epaileak Espainiako Auzitegi Gorenari. Epaileak igorritako txostenaren arabera, pertsona aforatuak inplikatuta gisa agertzen dira sumarioan, beraz, Entzutegi Nazionalak kasua utzi eta Gorenak hartzeko aholkua ematen du Garzonek. Aforatu horiek zein diren argi ez badago



Ramon Jauregik diru bereizietatik kobratu zuen Espainiako Gobernuaren ordezkari izan zenean, Sancristobalek deklaratu duenez.


ere, hainbat iturriren iritziz, Felipe Gonzalez, Narcis Serra, Jose Barrionuevo eta Jose Maria Benegasen kontrako delitu aztarnak

sumatu ditu epaileak. Astelehe-nean hasiko dira Auzitegi Goren-eko epaileak eta fiskalak Garzon-aren idazkia aztertzen, supli-

katorioa eskatuko duten ala era-bakitzeko.

Julian Sancristobalek, berriz, Garzon-aren aurrean deklaratu zuen Ramon Jauregi egungo PSE-EEko idazkari nagusi eta Eusko Jaurlaritzako Lan eta Justizia sailburuak diru bereizietatik ko-bratu zuela 1983tik 1987ra bitar-tean, EAEn Espainiako Gober-nuaren ordezkari zenean. / 4

ANDER GILLENIA



Auto ilara handiak irteera operazioan

Erretentzio ugari izan zen atzo Hego Euskal Herriko errepideetan, udako irteera operazioa dela eta. Lehen erretentzioak A-8 autobidean izan ziren, Irungo eta Iurretako ordainlekuetan. Arratsalde partean errepideetako egoerak ez zuen hobera egin eta Bizkaian Gasteiz eta Burgoserako irteeran zenbait kilometrotako ilarak izan ziren. N-1 errepidean ere arazo handiak izan ziren. Ipar Euskal Herrian, berriz, ez zen ilara handirik sortu, baina ezohiko trafikoa sumatu zen. Hala ere, argazkian ageri den moduan etxerako bi-dea hartu zutenak ere izan ziren. Eta autoekin batera, istripuak. Sei zauritu larri izan ziren atzo, guztiak Bizkaian. / 8

BESTERIK

POLITIKA

Donostian ez da aurten Salbeko desfilea egingo / 6

GIZARTEA

Gasteizen hasi zen atzo Eguzki taldeak antolatutako Txirrinka martxa / 8

EKONOMIA

Untzigintzarako laguntzak urtea amaitu aurretik finkatzeko eskatu du Brusselak / 12

NAZIOARTEA

Hiru pertsona hil dira Alemanian turistaz betetako autobus baten bahiketan / 14

KIROLA

Patxi Eugi pilotariak Asegarcerekin akordioa lortuko du / 17